

1994 nr. 21 21. febrúar

Lög um öflun áhlts EFTA-dómstólsins um skýringu samnings um Evrópska efnahagssvæðið¹⁾

¹⁾ 1.–3. gr. laganna var breytt með l. 117/2016, 45.–47. gr.; breytingarnar taka gildi 1. jan. 2018 skv. 90. gr. s.l.

Tóku gildi 11. apríl 1994. EES-samningurinn. Breytt með l. 88/2008 (tóku gildi 1. jan. 2009 nema brbák. VII sem tók gildi 21. júní 2008) og l. 117/2016 (taka gildi 1. jan. 2018, nema 52., 53., 75., 76. og 79.–81. gr. sem tóku gildi 28. okt. 2016).

■ **1. gr.** Nú er mál rekið fyrir héraðsdómstóli þar sem þarf að taka afstöðu til skýringar á samningi um Evrópska efnahagssvæðið, bókunum með honum, viðaukum við hann eða gerðum sem í viðaukunum er getið og getur þá dómari í samræmi við 34. gr. samnings EFTA-ríkjanna um stofnun eftirlitsstofnunar og dómstóls kveðið upp úrskurð um að leitað verði ráðgefandi áhlts EFTA-dómstólsins um skýringu á því atriði málsins áður en málinu er ráðið til lykta.

□ Hvort sem aðili máls krefst að áhlts verði leitað skv. 1. mgr. eða dómari telur þess þörf án kröfu skal dómari gefa aðilum kost á að tjá sig áður en úrskurður verður kveðinn upp.

□ Kæra má úrskurð héraðsdómara skv. 1. mgr. til Hæstaréttar eftir almennum reglum laga um meðferð einkamála eða meðferð [sakamála]¹⁾ eftir því sem á við. Kæra frestar frekari aðgerðum samkvæmt úrskurðinum.

¹⁾ L. 88/2008, 234. gr.

■ **2. gr.** Með sama hætti og segir í 1. og 2. mgr. 1. gr. getur Félagsdómur leitað áhlts EFTA-dómstólsins um atriði mála sem eru rekin þar. Úrskurður þess efnis verður ekki kærður til Hæstaréttar.

■ **3. gr.** Hæstiréttur getur jafnan kveðið upp úrskurð, eins og lýst er í 1. og 2. mgr. 1. gr., í máli sem fyrir honum er rekið.

■ **4. gr.** Hafi dómstóll ákveðið að leita áhlts EFTA-dómstólsins er rétt að veita málsaðila, sem hefur ekki krafist að áhltsins verði aflað, gjafsókn vegna þess þáttar málsins. Um skilyrði fyrir gjafsókn í slíku tilviki gilda almennar reglur, enda hafi EFTA-dómstóllinn ekki veitt málsaðilanum gjafsókn eftir starfsreglum sínum.

□ Sé gjafsókn veitt skv. 1. mgr. á gjafsóknarhafi rétt á að fá útlagðan kostnað af rekstri málsins fyrir EFTA-dómstólnum endurgreiddan þótt því sé ekki lokið fyrir dómstólum hér á landi. Þetta gildir þó ekki um þóknun umboðsmanns hans fyrir flutning máls fyrir EFTA-dómstólnum, en fjárhæð hennar verður ákveðin í dómi í aðalmálinu eftir almennum reglum.

□ Ef gagnaðili verður dæmdur til að greiða gjafsóknarhafa málskostnað í aðalmálinu er dómara heimilt við ákvörðun málskostnaðar að horfa fram hjá kostnaði gjafsóknarhafans af öflun áhlts EFTA-dómstólsins, þannig að hann falli á ríkissjóð. Þetta skal þó að öðru jöfnu ekki gert er gagnaðilinn hefur sjálfur átt frumkvæði að því að áhltsins yrði aflað.

■ **5. gr.** Lög þessi öðlast þegar gildi.